

三策

完

圖	丁
八	五
一	五
一	五

齊藤明堂

身世八元八
三六八

館林

狩野深藏稿

三策



長門

松下邨塾藏版

三策



館林

狩野深藏

稿

長門後學

大東洋居士批閱

外國之交、荷蘭久矣、癸丑以來、一通於華、
盛頓、再接再於英吉利、俄羅斯未及報而諸
蕃之亥、貿易者、又且帆檣相望、而至今又
華盛頓遣使、請居夷官於都府、以理懋遷、
便地開港、以廣互市、聽之則豺狼无厭、今
茲得一、則明年又望二、我國力有竭、而被

所求无已，兵未用而國已疲矣。不聽，則將激怒諸蕃來寇，以逞其所欲，二者皆不能免禍。將何術以應之哉？曰：誓古今之變，察天下之勢，以為當今之計，有三策焉。能用上策，則啓土富國，張皇神州之威。皇祖日神在天之光，將被殊方異域矣。用中策，則獨立東海，稱雄一方，庶幾足以保國祚矣。用下策，則僥倖苟安，僅免一時之難，而國勢不振，日趨乎委靡矣。何謂上策？內抚國民，外服遠人，通信結援，交易有无，水師商舶，往來四方，以洞萬國之形勢，悉夷虜之情偽，善弱攻昧，見幾以動，所以神州之威，被殊方異域也。何謂中策？戒邊防，練甲兵，嚴封港之禁，一切謝絕外交，寇來則邀戰，去則固守，所以獨立東海，庶幾足以保國祚也。何謂下策？進不能畧地，退不能自守，受夷虜之恐喝，恫疑畏懼，僥倖以偷一日之安，所以國勢不振，日趨乎委靡。

也。三策利害如此，將安處也。

廣上策

信。无。常。形。必。有。時。而。遷。事。无。常。務。必。因。世。而。變。聖。人。於。其。草。易。之。際。變。而。通。之。不。使。其。至。執。滯。不。行。也。變。忠。為。質。變。質。為。文。聖。人。非。好。為。異。而。徒。新。人。之。耳。目。也。氣。運。之。所。趨。聖。人。固。不。得。違。之。也。是。以。因。其。所。趨。而。導。之。則。事。順。而。功。成。違。其。所。趨。而。矯。之。則。亥。格。而。功。廢。故。不。知。變。通。之。道。者。不。足。與。語。天。下。之。大。計。也。前。世。坤。興。未。闢。舟。楫。之。利。未。盛。交。易。之。道。未。廣。所。交。不。過。於。接。界。之。壤。所。爭。不。過。於。陸。通。之。疆。雖。有。喜。夸。大。貪。遠。功。之。君。而。四。海。之。外。視。以。為。不。可。冀。也。當。此。之。時。人。各。安。其。土。民。各。樂。其。俗。鎖。國。而。自。守。可。也。近。世。坤。輿。日。益。開。舟。楫。之。利。日。益。盛。交。易。之。道。日。益。廣。聘。交。報。間。之。使。勤。重。九。譯。侵。掠。攻。代。之。師。每。越。萬。里。雖。守。成。保。存。之。君。欲。絕。外。交。以。防。禍。釁。而。

若恐
誤字

彼以禮至則不得不與之接以暴來則不
得不與之抗方是時背衆之所為而欲以
獨立適見其多戾而不安也均是多戾也
安其畏尾畏頭者顧忌自危也不若宏覽
遠圖寔外交以謀進取也以俚俗譬之鄉
曲之俗通功易戾往來酬酢以營其生也
有一人焉負其產饒閉門絕人不通問遣
既而有兼并之徒嫉其若此也結衆恐嚇
要請以借其門廐假其田畦誑其僕婢以
利誘之主翁有力能拒之則尚可以緩患
然焉知莫後有弱子懦孫為其所奪哉然
則不可預結豪傑必鯁寡立保家之法以
為子孫之圖哉今天下之勢方類于此而
議者无一及此者何也懼開釁也憂耗國
也洋夷汎交懋遷化居宇內之地无所不
至而國富兵強釁未必由此寔也滿清印
度未曾遠交而坐受禍故釁之寔與不寔
國之耗與不耗在施行如何未始在遠交

也。且方今我所患者何也。夷虜強盛，收畧近邦，而往來窺覘，无所忌憚也。虜使屢至，請求不一，而情偽變詐，不能究也。諸夷交結，同欲相濟，而我无外援也。四面沿海，寇來无方，而東西奔命，不便於救應也。水戰海鬪，彼所慣熟，而我未經歷也。兵械戎器，彼多便利，而我未悉習用也。是以每一夷船至，舉國騷動，其所策彼者，如捕風追影，終不能得其要領矣。此患而不去，則吾不知天下之所以久安而无憂也。故曰：莫若遠交而進取也。結強交大，兼弱攻昧，使轉以為介候，商賈以為間謀，伺察外夷，以應其機宜。然後彼禍心可得而沮也。情偽變詐，可得而究也。緩急之變，外援可得而致也。治水兵，練海軍，察兵械，戎器之利害，參彼此之得失，取長捨短，斟酌以用之。進以謀彼，則冒濤陵嶮，足以濟所求；退而自衛，則整然以靜，寇來應之。然後奔命之勞可

得而息也。我所未經歷、與所未習用者，皆可得而精也。如此而國勢一變，人心維新，聲威將震驚四方。於是益施德惠，抚士民，使航海者奉揚國威，使居守者做戒无虞，上下一心，以謀利安，則欲不國富兵強，得哉。而議者必言我國見今无堅艦，又拙操舟之術，何以能航遠海也。此亦因循者之言耳。无堅艦造之可也，拙操舟之術，習之可也，憇可拱手瞑目安坐而致之哉。且海外有工作鬻艦之國，有雇傭食力之夷，洋夷莫航海者，皆資焉。我亦買而用之，傭而使之，莫不可為者，不必責備於我矣。使此策行於天正慶長間，則不使蘭英諸夷專據有南海洲島也。使此策施於天明寬政間，則不使羅刹擅食北地也。今而不用，則吾不知後世使何人任受此悔也。

廣中策

熊虎在山，人不敢近之。牛馬在牧，駢頭而

羣而人慣且侮之、非牛馬之小而寡熊虎之大而衆也、畏侮之所以然、殊者以順人與害人也、故以國之大小衆寡而遽定其勝負、未足以為善謀也、夫銳果猛斷以謀進取、猶熊虎而翼之、優柔不斲以求苟安、猶牛馬而不齧蹄焉、設令不能熊虎而翼焉、而能為真熊虎、亦不愈於為牛馬哉、而訟者優柔不斲、順適夷虜、以安於牛馬而不齧蹄焉、其幾何不為夷虜所慣且侮也、

允我所以畏夷虜者何也、以彼國大而我小也、彼人衆而我寡也、彼兵精而我冗也、彼船艦砲礮足而我少也、是以癸丑虜使之來、訟者謂姑允其請、待我武備足與彼敵、然後絕之、今既五年矣、兵冗者果精歟、船艦砲礮少者果備歟、吾唯見武備不加治而士氣益不振也、故允交親而望武備之治、猶居濕而求燥也、夫英果猛斷以謀進取、武備之治、固不待言、苟不能然乎、非鎖

國絕交、以謀獨立、則邦不可得而保也。詩云：兄弟鬩牆、外禦其侮。天下之人、固不無禦侮之心、而所以怠惰不振者、姑息之議害之也。今一決意於戰守、遂使斥書明告天下、以虜之無禮、以布敵愾之令、則士民感動、激勵靡然、知所向矣。然後戒其戎政、督其守備、則上下同意、生死可與、兵之冗者可變而精也。船艦砲礮之少者可脩而備也。如此、則夷虜之謀將索然而沮矣。米夷嘗指英夷為山狗性、曰：畏懼則來、逼逐向則曳尾而去。海外諸夷、孰不為山狗性者。其進退在我、忘之如何耳。故曰：國之大、小眾寡、非其所以為勝負也。雖然、彼一沮而易其謀哉。亦將委曲多方、來請交通、而其所以為謀者、不過二端：巧說利害以誘之、不聽則繼之以兵也。方今宇內之形、如周戰國之勢、朝為與國、夕為寇讎、互相交伐、以務富強、而使人之往來其間者、皆蘇

張摧變之徒營利貪功以傾亂人國故一切斥逐之莫為其所惑彼將無施其詭矣我兵勇敢重義諸夷莫不知而憚之而我憚其所以來劫者以船艦炮礮凡待彼之具未備也若夫戰守之令既布所待彼者稍以備則彼將畏避之不暇不敢輒來寇以踏危也雖然我不可果則亦將畧近海屬島浸滯來迫琉球也蝦夷也彼欲收以為據亦非一日版圖所不載則不必問先王以來服屬以通貢職者使尺地一民陷於彼適足以長彼之威而挫我之氣不可不為之防要之使天下之人上下同意可與生死而兵精器足以濟其用然後可始為也夫敵國外患存國之資優柔不斲類覆之今敵視諸夷獨立東海使天下之人兢兢焦思於海防是所謂危而安者也易曰其亡其亡繫于苞桑其庶幾乎此矣曰諸夷既絕使聘不通外國事情茫無所聞

欲知彼而知已以應機宜將如之何曰荷
蘭之夷交親既久而恭順効信不狹非望
是獨足藉以探外變不必絕也唯夫強暴
如米如英如羅佛宜遠之而不近焉耳

廣下策

夷虜之所欲於我者何也非止器貨也非
止薪水也非止穀粟畜產也夫其所欲非
器貨薪水與穀粟畜產而費財縻糧陸統
來請交通者此其志甚可恨也而彼未明
言其所欲者其意曰以漸邀之易以為誘
夫人之情見異物而恠聞異事而驚再則
惑三則習而安之向者虜使之來乞貿易
耳而天下之人奮然而作喧然而罵上自
侯伯下至士庶繕甲勵兵欲以折衝禦侮
者不謀而同心矣既而和議成開港通市
當時尚輿論泊々不已今茲虜使再至親
詣幕府謁見請求重大非復前日之比在
位者將寢食之不暇而天下之人夷然甚

不以為意。若視以可必有者。使今之所請在於往時乎。豈特恠且驚而止哉。將扼腕切齒憤死而尚不足也。今則已惑矣。繼之以往習而安之。彼所請愈重。而我所視愈輕。於是乎彼所大欲者將至矣。乞地不得不假之。徵貢不得不供之。需稅不得不納之。以堂々皇祖日神所照臨之邦。而將舉以委之戎虜腥羶之徒。可不痛哭流涕哉。凡我不能宏覽遠度。以交通於彼。亦不能封港却使以峻拒彼。而所以循々待之。喘々接之者。非謂如此而可無事也。以謂苟免一時之難。以待武備之治也。夫名實之實也。無實而名不虛行。朝廷御夷之實固已如此。是以講武備邊之令屢出。而天下之兵未必練習。邊疆未必防守。因循遷延。以涉歲月。議者建白戰守之策。昔亦非有必勝之算也。非有致死殉國之心也。非以為朝廷用之而言之也。祇姑為杜

語以蹇謗耳。是以上下唯名之務，而不知實則已亡矣。昔神后如主也，而征韓討魏，天下見其畧也。是以王旅植刃，四征不廷，蠻夷相率來貢于闕下。時宗陪臣也，而斥書斬使，天下見其斲也。是以將卒戮力，克破胡軍，而國重於大山。蓋既有實，名不待飾也。宋欽宗清宜宗，請和納賂，優柔不斷，以取禍敗。彼孰不以講武備邊，令天下顧唯名而無實，是以怠惰委靡，終以不振矣。今進不能為，神后退不能為。時宗則不庶乎為宋欽清宜哉。易曰：履霜，堅冰至。今則已履霜矣。

申三策

三策利害如此，而上策大有為之君之所行也。中策英雄之主之所趨也。下策庸懦之人之所安也。夫物無兩可事，有一是，何曾有三策。故上策本謀也，中策不得已而設者也，下策无謀者也。何謂本謀，合於氣

運通於人情。至後世而終不可草易。豈非計之至者哉。而天下或无大有為之人。雖有不常在位。乃大事業不可得而行。則守舊保故。以為不忝。宗廟神祇。亦有足多者矣。雖然。後世有大有為之人。興則必出於上策。有庸懦之人。出則必陷於下策。故中策姑為救時不得已而設者。非經百世而不易者也。夫耕稼防飢。蠶織防寒。匹夫匹婦。獨知慮後。今也朝不圖夕。月不計歲。僥倖以偷一日之安。是其知嘗匹夫匹婦之不如。故曰下策無謀者也。然則虜使之請。當知之何。曰我出於上策。而權足以制彼。則居夷館於都府。亦唯一使後留。還皆在我。適足藉之。以為外交之用。居之有何不可也。使地開港。亦當開我之所當開。取不必待彼請也。夫人疑恨畏人。所以不能自強者。以內有所隱諱也。不知而示之。知不能而視之。能無而觀之。有是其心。常恐

一且人之見其肺肝而失其假飾也是以居常歉然不自安也今我外畏夷虜之輕侮內懼人心之動搖造艦之工航海之利凡諸技術非無求於彼而嫌於無人矣故藏拙而不敢言也彼所要請非為終可以扼之而忌於無勇矣故分謗而議於衆也隱諱多端進退顧慮蹙々自危以屈于廟廷之上不知情實不可揜適自為累也若夫開心曠懷以通外交謀進取我所不知從彼之知者而明之我所不能由彼之能者而辯之我所無得彼之有者而用之而舉天下之利害体戚與衆共之則內外明白公道四達豈不暢然快豁膽氣張於千里之外哉如此而我所為出乎彼之所不能意使彼不暇施其素謀此謂制人而不制於人也故夷官者我使役耳開港者我自為計也於彼何為不然而受制於彼則居夷官於都府者伏戎於莽開港者需□于

沙可懼之甚也



Faint vertical text columns, partially obscured by a black redaction bar.

六

